



REPUBLIKA E SHQIPËRISË

INSPEKTORATI I LARTË I DEKLARIMIT DHE KONTROLLIT TË
PASURIVE DHE KONFLIKTIT TË INTERESAVE

Nr. 3116/1 Prot.

Tiranë, më 21.5.2019

NJOFTIM PËR VENDE PUNE

A. Lëvizja paralele brenda të njëjtës kategori

Në zbatim të Ligjit nr.152/2013, datë 30.05.2013 “Për nëpunësin civil”, i ndryshuar, Kreu V – “Lëvizja paralele dhe ngritja në detyrë”, nenit 26 dhe Vendimit të Këshillit të Ministrave nr.242, datë 18.3.2015 “Për plotësimin e vendeve të lira në kategorinë e ulët dhe të mesme drejtuese”, i ndryshuar, Inspektorati i Lartë i Deklarimit dhe Kontrollit të Pasurive dhe Konfliktit të Interesave, njofton se;

a) Në Administratën e tij ka 1 (një) vend të lirë pune të kategorisë së ulët drejtuese, në pozicionin Përgjegjës Sektori i Marrëdhënieve me Autoritetet Përgjegjëse.

Paga e pozicionit- III/1

Në përputhje me Vendimin nr. 48, datë 22.7.2016, “Për disa shtesa dhe ndryshime në vendimin e Kuvendit nr. 55/2014 “Për miratimin e strukturës, organikës dhe kategorizimit të pozicioneve të punës të Inspektoratit të Lartë të Deklarimit dhe Kontrollit të Pasurive dhe Konfliktit të Interesave”, të ndryshuar”.

Pozicioni më sipër, u ofrohet fillimisht nëpunësve civilë të së njëjtës kategori në të gjitha institucionet, pjesë e shërbimit civil, me procedurën e lëvizjes paralele. Vetëm në rast se në përfundim të procedurës së lëvizjes paralele, rezulton se ky pozicion është ende vakant, ai është i vlefshëm për konkurimin nëpërmjet procedurës së ngritjes në detyrë.

Për të dy procedurat (lëvizje paralele dhe ngritje në detyrë) aplikohet në të njëjtën kohë.

b) Pëshkrimi i detajuar i vendit të punës;

Përgjegjësi i Sektorit të Marrëdhënieve me Autoritetet Përgjegjëse, ka si detyrën e tij kryesore ndërgjegjësimin e zyrtarëve, subjekte deklarues për zbatimin korrekt të ligjit, ofrimin e asistencës tekniko-ligjore dhe realizimin e transparencës institucionale. Funkzioni i tij bazohet në komunikimin me zyrtarët që mbartin detyrim për deklarim dhe me Autoritetet Përgjegjëse në institucionet publike dhe kontrollin periodik të tyre. Në bazë të Rregullores së Brendshme të ILDKPKI, i ofron Drejtorit të Drejtorisë rekomandime dhe opsione për vendime aplikimi të masave administrative “gjobë” për rastet e vonesave në deklarim të interesave private nga ana e zyrtarëve subjekte të ligjit. Në bashkëpunim me Drejtorin e Drejtorisë, Përgjegjësi i Sektorit të MAP i rekomandon



ILDKPKI

Rr. "Reshit Çollaku", Tiranë, Shqipëri, Tel. + 355 42 259 461, www.hidaa.gov.al, info@hidaa.gov.al

Inspektorit të Përgjithshëm trajtimin e çështjeve për publikim, pozicionimin për situata të ndryshme që kanë lidhje me transparencën, si edhe referimet për takime ndërinstitucionale.

Punonjësi duhet të ofrojë një shërbim juridik sipas standardeve të cilësisë dhe kohës.

c) Kushtet për lëvizjen paralele dhe kriteret e veçanta

- Të jetë nëpunës civil i konfirmuar, brenda të njëjtës kategori për të cilën aplikon. (*kategoria III/1*)
- Të mos ketë masë disiplinore në fuqi. (*të vërtetuar me një dokument nga institucioni*)
- Të ketë të paktën vlerësimin e fundit “Mirë” apo “Shumë mirë”.

Kandidatët duhet të plotësojnë kriteret e veçanta si vijon:

- Arsimit të lartë Juridik me Diplomë Master të Shkencave, të Nivelit të Dytë (DND) ose Diplomë të Integruar të Nivelit të Dytë (DIND) apo të barasvlefshme me to, sipas legjislacionit të arsimit të lartë. (*diploma e nivelit "Bachelor" duhet të jetë në të njëjtën fushë*)
- Të ketë përvojë 2 vjet në drejtim, në fushen përkatëse të studimit.
- Aftësi të mira komunikuese
- Të ketë njohuri në një gjuhë të huaj.
- Të ketë njohuri të programeve bazë kompjuterike.
- Të ketë eksperiencë për marrëdhëniet me publikun
- Të ketë aftësi menaxhuese.

ç) Kandidati duhet të dërgojë me postë ose dorazi, në Sektorin e Protokoll-Arkivës dhe Administrimit të Deklaratave të Pasurive, këto dokumenta:

- Letër motivimi për aplikim në vendin vakant;
- Jetëshkrimi i plotësuar;
- Fotokopje e diplomës. (*përfshirë dhe diplomën bachelor*) Nëse aplikanti disponon një diplomë të një universiteti të huaj, atëherë ai duhet ta ketë të njehësuar atë pranë ministrisë përgjegjëse për arsimin;
- Fotokopje e listës së notave;
- Fotokopje e librezës së punës dhe e kontributeve të sigurimit shoqëror të plotësuar, (*të gjitha faqet që vërtetojnë eksperiencën*);
- Vërtetim i gjendjes gjyqësore;
- Vërtetim i gjendjes shëndetësore;
- Vlerësimin e fundit nga eprori direkt;
- Vërtetim nga institucioni që nuk ka masë disiplinore në fuqi;
- Çdo dokumentacion tjetër që vërteton trajnimet, kualifikimet, arsimim shtesë, vlerësimet pozitive apo të tjera të përmendura në jetëshkrimin tuaj;
- Fotokopje e kartës së identitetit.

d) Pranimi i dokumentave do të bëhet brenda datës 30.5.2019.

dh) Rezultatet për fazën e verifikimit paraprak

Në datën 31.5.2019, do të shpallet lista e vlerësimit paraprak të kandidatëve që do të vazhdojnë konkurimin (në portalin “Shërbimi Kombëtar i Punësimit”, në faqen zyrtare



të ILDKPKI dhe në stendën e informimit të publikut). Këta do të jenë ata që plotësojnë kushtet minimale të lëvizjes paralele dhe kriteret e veçanta, të kërkuara më sipër.

Në të njëjtën datë kandidatët që nuk plotësojnë kushtet e lëvizjes paralele dhe kërkesat e posaçme, do të njoftohen individualisht nga njësia përgjegjëse e ILDKPKI, nëpërmjet adresës së e-mail.

Kandidatët që rezultojnë të pakualifikuar, kanë të drejtë të paraqesin ankesat me shkrim në njësinë përgjegjëse, brenda 3 ditëve kalendarike nga data e njoftimit individual dhe ankuesi merr përgjigje brenda 5 ditëve kalendarike nga data e përfundimit të afatit të ankimit.

e) Konkurrimi- intervista me gojë do të bëhet në datën 17.6.2019, në mjediset e ILDKPKI, në orën 10-00.

ë) Fushat e njohurive, aftësitë dhe cilësitë mbi të cilat do të vlerësohen në intervistë.

Konkurimi - intervista me gojë do të bazohet në njohuritë për specialitetin,

- Kushtetutën,
- Ligjin nr. 9049, datë 10.4.2003 “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, i ndryshuar,
- Ligjin nr. 9367, datë 7.4.2005, “Për pandalimin e konfliktit të interesave në ushtrimin e funksioneve publike”, i ndryshuar,
- Ligji nr. 60/2016, datë 2.6.2016, “Për sinjalizimin dhe mbrojtjen e sinjalizuesve”,
- Kodi Penal dhe Kodi i Procedurave Penale,
- Kodi i Procedurave Administrative,
- Ligji nr. 119/2014 “Për të Drejtën e Informimit”,
- Ligji nr.152/2013, datë 30.05.2013 “Për nëpunësin civil”, i ndryshuar.

f) Mënyra e vlerësimit të kandidatëve

Kandidatët do të vlerësohen nga “Komiteti i Pranimit për Lëvizjen Paralele”, i ngritur pranë ILDKPKI. Konkurrimi për lëvizjen paralele përfshin dy faza;

- a) Verifikimi paraprak, nëse kandidatët plotësojnë kushtet dhe kërkesat e posaçme .
- b) Vlerësimi i kandidatëve ku përfshihet vlerësimi i përvojës në punë, trajnimet, kualifikimet dhe intervista e strukturuar me gojë.

Totali i pikëve të vlerësimit të kandidatit është 100, të cilat ndahen përkatësisht:

- a) 40 pikë për dokumentacionin e dorëzuar i ndarë; 20 pikë për përvojën, 10 pikë për trajnimet apo kualifikime të lidhura me fushën përkatëse dhe 10 pikë për çertifikimin pozitiv ose për rezultatet individuale në punë.
- b) 60 pikë për intervistën e strukturuar me gojë.

g) Mënyra e njoftimit dhe komunikimit

Lista e fituesve me të paktën 70 pikë (70% të pikëve) do të komunikohet në datën 18.6.2019.

Ankesat nga kandidatët paraqiten pranë KPND, brenda 3 ditëve kalendarike nga data e njoftimit individual dhe ankuesi merr përgjigje brenda 5 ditëve kalendarike nga data e përfundimit të afatit të ankimit



Njoftimi përfundimtar për shpalljen e kandidatit fitues për procedurën e lëvizjes paralele, do të bëhet: në portalin “Shërbimi Kombëtar i Punësimit”, në faqen zyrtare të ILDKPKI dhe në stendën e informimit të publikut, në datën 17.6.2019.

Nëse nuk ka fitues, nga procedura e lëvizjes paralele, konkurrimi do të vazhdojë sipas Kreut V – “Lëvizja paralele dhe ngritja në detyrë”, të Ligjit nr. 152/2013, datë 30.5.2013 “Për nëpunësin civil”, i ndryshuar dhe Vendimit të Këshillit të Ministrave nr. 242, datë 18.3.2015 “Për plotësimin e vendeve të lira në kategorinë e ulët dhe të mesme drejtuese, i ndryshuar, Kreu III, “Ngritja në detyrë”.

B. Ngritja në detyrë

a) Vetëm në rast se pozicioni i renditur në fillim të kësaj shpalljeje, në përfundim të procedurës së lëvizjes paralele, rezulton se është ende vakant, ai është i vlefshëm për konkurimin nëpërmjet procedurës së ngritjes në detyrë.

Për këtë procedurë kanë të drejtë të aplikojnë nëpunësit civilë të një kategorie paraardhëse (vetëm një kategori më e ulët), të punësuar në ILDKPKI, apo në një institucion tjetër të shërbimit civil, që plotësojnë kushtet për ngritjen në detyrë dhe kërkesat e veçanta për vendin e lirë.

2. Kushtet minimale që duhet të plotësojnë kandidatët për këtë procedurë janë:

- Të jetë nëpunës civil i konfirmuar;
- Të mos ketë masë disiplinore në fuqi (të vërtetuar me një dokument nga institucioni);
- Të ketë të paktën vlerësimin e fundit “Mirë” apo “Shumë mirë”.
- Arsimi duhet të jetë Master Shkencor për Drejtësi, i diplomuar “Jurist” me diplomë “Master të Shkencave”, ose Diplomë të Nivelit të Dytë (DND), Diplomë të Integruar të Nivelit të Dytë (DIND) apo të barasvlefshme me to sipas legjislacionit të arsimit të lartë.
- Diplomat të cilat janë marrë jashtë vendit, duhet të jenë të njohura paraprakisht pranë institucionit përgjegjës për njësimin e diplomave sipas legjislacionit në fuqi.

Kandidatët duhet të plotësojnë kriteret e veçanta si vijon:

- Të ketë një ekperiencë pune mbi 2 vjet në fushën përkatëse të studimit.
- Të ketë njohuri të mira në një gjuhë të huaj, preferohet gjuha angleze,
- Të njohë dhe të përdorë shumë mirë programet bazë të kompjuterit,
- Nuk duhet të shprehë publikisht bindjet apo preferencat e tij politike.
- Aftësi të drejtimit të punës në grup, aftësi gjykimi, komunikimi dhe hartimi të dokumentave të ndryshëm.

ç) Kandidatët që aplikojnë duhet të dorëzojnë dokumentat si më poshtë:

Kandidatët duhet të dërgojnë me postë ose dorazi, në Sektorin e Protokoll-Arkivës dhe Administrimit të Deklaratave të Pasurive, këto dokumenta:

- Letër motivimi për aplikim në vendin vakant;
- Jetëshkrimi i plotësuar;



- Fotokopje e diplomës. (*përfshirë dhe diplomën bachelor*) Nëse aplikanti disponon një diplomë të një universiteti të huaj, atëherë ai duhet ta ketë të njëjshuar atë pranë ministrisë përgjegjëse për arsimin;
- Fotokopje e listës së notave;
- Fotokopje e librezës së punës dhe e kontributeve të sigurimit shoqëror të plotësuar, (*të gjitha faqet që vërtetojnë eksperiencën*);
- Vërtetim i gjendjes gjyqësore;
- Vërtetim i gjendjes shëndetësore;
- Vlerësimin e fundit nga eprori direkt;
- Vërtetim nga institucioni që nuk ka masë disiplinore në fuqi;
- Çdo dokumentacion tjetër që vërteton trajnimet, kualifikimet, arsimim shtesë, vlerësimet pozitive apo të tjera të përmendura në jetëshkrimin tuaj;
- Fokopje e kartës së identitetit.

d) Kandidatët duhet të dorëzojnë, të gjitha dokumentat e cituara më sipër brenda datës 4.6.2019.

db) Rezultatet për fazën e verifikimit paraprak

Lista e vlerësimit paraprak të kandidatëve që do të vazhdojnë konkurimin, shpallet në portalin “*Shërbimi Kombëtar i Punësimit*”, në faqen zyrtare të ILDKPKI dhe në stendën e informimit të publikut. Këta do të jenë ata që plotësojnë kushtet minimale të procedurës ngritje në detyrë dhe kushtet e veçanta, të kërkuara më sipër.

Në të njëjtën datë kandidatët që nuk i plotësojnë kushtet dhe kriteret e veçanta do të njoftohen individualisht, për shkaqet e moskualifikimit.

Ankesat nga kandidatët paraqiten pranë njësisë përgjegjëse, brenda 5 ditëve kalendarike nga data e njoftimit individual dhe ankuesi merr përgjigje brenda 5 ditëve kalendarike nga data e përfundimit të afatit të ankimit.

e) Fushat e njohurive, aftësitë dhe cilësitë mbi të cilat do të zhvillohet konkurimi

Konkurimi - intervista me gojë do të bazohet në njohuritë për specialitetin,

- Kushtetutën,
- Ligjin nr. 9049, datë 10.4.2003 “*Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë*”, i ndryshuar,
- Ligjin nr. 9367 datë 7.4.2005, “*Për pandalimin e konfliktit të interesave në ushtrimin e funksioneve publike*”, i ndryshuar,
- Ligji nr. 60/2016, datë 2.6.2016, “*Për sinjalizimin dhe mbrojtjen e sinjalizuesve*”,
- Kodi Penal dhe Kodi i Procedurave Penale,
- Kodi i Procedurave Administrative,
- Ligji nr. 119/2014 “*Për të Drejtën e Informimit*”,
- Ligji nr.152/2013, datë 30.05.2013 “*Për nëpunësin civil*”, i ndryshuar.

ë) Mënyra e vlerësimit të kandidatëve

Konkurimi do të mbështetet në parimet e shanseve të barabarta, meritës, aftësive profesionale e mosdiskriminimit dhe do të kryhet nëpërmjet një procesi përzgjedhës transparent e të drejtë. Në vlerësimin e kandidatëve përfshihen;



- a) Vlerësimi i jetëshkrimit, përvoja dhe trajnimet.
- b) Vlerësimi me shkrim,
- c) Intervista e strukturuar me gojë.

Kandidatët do të vlerësohen nga “Komiteti i Pranimet për Ngritjen në Detyrë”, i ngritur pranë ILDKPKI. Totali i pikëve të vlerësimit të kandidatit është 100, të cilat ndahen përkatësisht:

- 20 pikë për dokumentacionin e dorëzuar,
- 40 pikë për intervistën e strukturuar me gojë,
- 40 pikë për vlerësimin me shkrim.

f) Konkurimi-testimi me shkrim do të bëhet, në mjediset e ILDKPKI.

Mënyra e njoftimit dhe komunikimit

Lista e fituesve me të paktën 70 pikë (70% të pikëve)

Kandidatë fitues janë kandidatët që marrin të paktën 70 pikë e lart.

Ankesat nga kandidatët paraqiten pranë KPND, brenda 3 ditëve kalendarike nga data e njoftimit individual për rezultatin e vlerësimit dhe ankuesi merr përgjigje brenda 5 ditëve kalendarike nga data e përfundimit të afatit të ankimit.

Në përfundim të vlerësimit të kandidatëve, ILDKPKI do të njoftojë ata individualisht, në mënyrë elektronike për rezultatet (*nëpërmjet adresës e-mail*)

Të gjithë kandidatët që aplikojnë për procedurën “*Ngritje në detyrë*”, do të marrin informacion në faqen e ILDKPKI, për fazat e mëtejshme të kësaj procedure.

- Për datën e daljes së rezultateve të verifikimit paraprak.
- Për datën, vendin dhe orën ku do të zhvillohet konkurrimi.

i) Njoftimi do të bëhet: në portalin “Shërbimi Kombëtar i Punësimit”, në faqen zyrtare të ILDKPKI dhe në stendën e informimit të publikut.

Të gjithë kandidatët që aplikojnë për këtë procedurë, duhet të vizitojnë në mënyrë të vazhdueshme faqen zyrtare të ILDKPKI.

**ILDKPKI
NJËSIA PËRGJEGJËSE**